

INUIT ATAQATIGIIT INATSIARTUNI



UKA2021/134

5. oktober 2021

Sofia Geisler

**Qaffasinnerusumik ilinniartitaanerit pillugit Inatsisartut inatsisaata
allanngortinneqarnera pillugu Inatsisartut inatsisaat
(Eqqumiitsuliornermik qaffasinnerusumik ilinniartinni
ilinnialernissamut piumasagaatit, ilinniarnermut ileqqorissaarnermullu
malittarisassat, paasissutissanik nakkutilliineq pissarsiortarnerlu
aamma misileraalluni ineriartortitsinermillu suliaqarneq)**

**(Ilinniartitaanermut, Kultureqarnermut, Timersornermut
Ilageeqarnermullu Naalakkersuisoq)**

Inatsisissatut siunnersuummik uuminnga qaqitsineranut Ilinniartitaanermut
Kultureqarnermut, Timersornermut Ilageeqarnermullu Naalakkersuisoq
siullermik qutsavigissavatsigit.

Siunnersuummik paasinninnerput naapertorlugu siunnersuutip
naggaterpiaatigut akuerineratigut aamma akuerineqassaaq
eqqumiitsuliornermik ilinniartitaanerit inuussutissarsiutitut ilinniartitaanerniit
ilinniartitaanernut ingerlaqqiffiusunut nuunnissaat.

Eqqumiitsuliornermik ilinniartitaanerni Nunatsinniittuni ilinnialersartut
amerlanerulernissaat siunertarinagu Danmarkimili kandidatitut ilinniartutik
ingerlaqqissinnaalernissaat siunertaralugu inatsisissatut siunnersut manna
Naalakkersuisunit saqqummiunneqarpoq.

Eqqumiitsuliornermik ilinniartitaanerit inuussutissarsiutigalugu
ilinniartitaanerniit ilinniartitaanernut ingerlaqqiffiusunut, taamalu
bachelorinngorniarsinnaaneq anguneqarsinnaanngorlugu allannguutissamik

INUIT ATAQATIGIIT INATSIARTUNI



Naalakkersuisut siunnersuuteqarput, ilinniartitaanernut ingerlaqqiffiusunut naliginnaasumik piumasaqaataasartoq tassalu GUX piumasaqaataatinnagu.

Allannguuteqartoqarnissaanik kissaat Nunatta Isiginnaartitsisarfianiit pineqara Inuit Ataqatigiinniit akuersaarparput, aammalu akuersaarlugu allannguisoqassaanut patsisissaqarluarsimasoq taamaaliornissarlu siunertaqartoq.

Tamanna tunngavigalugu ataatsimiititaliami susassaqtumi siunnersuutip sukumiisumik suliarineqarnissaanut Inuit Ataqatigiinniit ingerlateqqipparput.

Siunnersuutip ataatsimiititaliami suliarinissaanut Inuit Ataqatigiinniit qilanaaraarput. Tassunga ilaalluni Nunatta Isiginnaartitsisarfianeersunik naapitsinikkut bacheloritut inissimasumik ilinniartitaanerit allanngornerisigut periarfissat kingunerisassaasalu itisileqqinnissaanut periarfissaq.

Assersuutigalugu pisariaqarsinnaanersoq naatsorsuutigissallugu qinnuteqartut misilitsinnginnerminni HF imaluunniit GUX aqutigalugu assersuutigalugu kalaallisut, qallunaatut, tuluttut kiisalu oqaluttuarisaanermi aamma/imaluunniit inuiaqatigiilerinermi nammassisaqareersimanissaat.

Naatsorsuutigineqarpoq inatsisissatut siunnersuut una aningaasaqarnikkut allaffissornikkullu pisortanut namminersortunullu kinguneqassanngitsoq. Soqutiginassaarlu eqqumiitsuliornermik ilinniartit naapeqatiginerisigut paasisaqarfigissallugu ukiunik marlunniik ukiunut pingasunut sivitsuineq missingersuutit akuerisaareersut iluanni piviusunngortissallugu qanoq pilersaaruteqarnerisut.

Siunnersuutip uuma ataatsimiititaliami susassaqtumi suliarineqarnissaanut peqataanissatsinnut Inuit Ataqatigiinniit qilanaarpugut.